

杭州爱情诗词曲选读

袅袅情缘长相吟



目录

古典诗词曲

白居易 杨柳枝词(二首)

徐凝 苏小小墓

李贺 钱塘苏小歌

林逋 长相思

沈原理 苏小小歌

朱淑真 秋夜牵情

减字木兰花(春怨)

眼儿媚

康伯可 长相思

张可久 南吕·一枝花(为美人湖上归)

袁宏道 西陵桥

柳如是 西陵十首

袁正真 长相思

竹添井井 [目]游西湖初雨后晴

西湖竹枝词选

杨维桢(二首)

杨载

郑元祐

贡师泰

宇文公谅

张纲孙

黄公望

周东田

杨 伋

陈 凤

李元圭

谢起蛟

徐梦吉

徐嘉瑞

释 椿

郭绍孔

瞿 佑

周之濂

朱 朴

徐 颖

沈 周

陆 隽

怀 悦

王介锡

孙一元

徐敷奏

姚可上

朱大年

吴鼎芳

朱一是

新诗·民歌·唱词

王倩

张圣济

夏炜

唐嗣昌

曹鉴平

无名氏

潘睿隆

刘大白 秋夜湖心独出

戴望舒 雨巷

徐志摩 月下雷峰影片

山行

朱自清 湖上

残叶之歌

胡适 西湖

无名氏 十二月花名唱《梁祝》

怨歌

(杭州民歌)

朱湘 湖里的山影

无名氏 白蛇山歌(杭州民歌)

雨友 黄龙吐翠情缘长

(杭州升篇)

白居易


杨柳枝词(二首)

苏州杨柳任君夸，更有钱塘胜馆娃。
若解多情寻小小，绿杨深处是苏家。
苏家小女旧知名，杨柳风前别有情。
剥条盘作银环样，卷叶吹为玉笛声。

徐凝

苏小小墓

古木寒鸦噪夕阳，六朝遗恨草茫茫。
水如香篆船如叶，咫尺西陵不见郎。



李
贺


钱塘苏小歌

幽兰露，如啼眼。
无物结同心，烟花不堪剪。
草如茵，松如盖。
风为裳，水为珮。
油壁车，夕相待。
冷翠烛，芳光彩。
西陵下，风吹雨。

林
逋

长相思

吴山青，越山青，
两岸青山相送迎。
谁知离别情？
君泪盈，妾泪盈，
罗带同心结未成。
江头潮已平。



沈原理

苏小小歌


歌声引回波，舞衣散秋影。
梦断别青楼，千秋香骨冷。

青铜镜破双飞鸾，饥乌吊月啼钩栏。
风吹野火火不灭，山妖哭入狐狸穴。
西陵墓下钱塘潮，潮来潮去夕复潮。
墓前杨柳不堪折，春风自馆同心结。

朱淑真

秋夜牵情

纤纤新月挂黄昏，人在幽闺欲断魂。
笺素拆封还又改，酒杯慵举却重温。
灯花占断烧心事，罗袖长供挹泪痕。
益悔风流多不足，须知恩爱是愁根。



減字木兰花 春怨

独行独坐，独倡独酬还独卧。伫立
伤神，无奈春寒著摸人。此情谁见，
泪洗残妆无一半。愁病相仍，剔尽春灯
梦不成。

眼儿媚

迟迟风日弄轻柔，花径暗香流。
清明过了，不堪回首，云锁朱楼。
午窗睡起莺声巧，何处唤春愁？
绿杨影里，海棠亭畔，红杏梢头。



康伯可

长相思

南高峰，北高峰，一片湖光烟霭中，
春来愁煞侬。
郎意浓，妾意浓，油壁车轻郎马骢，
相逢九里松。

张可久


南吕·一枝花

携美人湖上归

长天落彩霞，远水涵秋镜。花如人面红，
山似佛头青。生色围屏，翠冷松云径，
嫣然眉黛横。但携将旖旎浓香，何必赋
横斜瘦影。

〔梁州〕挽玉手留连

锦英，据胡床指点银瓶。秀娥不嫁伤
孤零。想当年小小，问何处卿卿？
东坡才调，西子娉婷，总相宜千古
留名。咱两个慢相邀此地陶情：六一泉
上诗成，三五夜花前月明，十四弦指下
风生，可憎，乘兴，捧红牙合和伊州令。



袁宏道

西陵桥

万籁寂，四山静，幽咽泉流石上声，
鹤怨猿惊。
〔尾〕岩阿禅窟鸣金磬，
波底龙宫漾水晶。夜气清，酒力醒，
宝篆销，玉漏鸣。笑归来仿佛二更，
煞强似踏雪寻梅灞桥冷。


西陵桥，水长在。
松叶细如针，不肯结罗带。
芡如衫，燕如钗，
油壁车，砍为柴。
青骢马，自西来。
昨日树头花，今朝陌上飞。
恨血与啼魂，一半逐风雨。



柳如是

西陵十首

西冷月照紫兰丛 杨柳丝多待好风
小苑有香皆冉冉 新花尤梦不蒙蒙
金吹油壁朝来见 玉作灵衣夜半逢
一树红梨更惆怅 分明遮向画楼中
灯昏月底更伤神 马埒随风夜拂尘
杨柳已成初雁恨 桃花犹作未莺春
青骢点点余新迹 红泪年年属旧人
芳草还能邀风吹 相思何异洛桥津
九嶷弱水共沉埋 何必西冷忆旧怀
玉碗如烟能宛转 金灯不夜若天涯
山樱一树迷仙井 桃叶千条渺凤钗
万古情长松柏下 只愁风雨似秦淮




游丝·半蝶惊回 故似飘花入树来
上巳何须射马苑 清明仍作斗鸡台
凄迷蕙帐坟前杏 旷渺玄亭种后梅
只有新通花上月 梨魂寂寂五更开

微波一曲月苍茫 声起西泠叶叶凉
杜宇每随金管发 春风不及玉杯长
邀人画舫留鹦鹉 游女新绡织凤凰
况是绮花轻蝶里 止应十步有兰香

西陵云物白萧森 孝雉高岩涧水深
桂白小山惟叶落 梨红大谷识春阴
山阳最感邻人笛 东野时闻处女琴
尚有田园赋归客 栖迟无限洛川吟

脩脩林景在高柯 此夕西园行珮过
隔水何人匪别鹤 空山无树亦微波
黄梅自合钱塘雨 修竹谁传庾墓歌
落日怀人正江上 最令平子夜愁多



从兰飞蝶似秋霞 翡翠巢空织素家
 叶县偶逢双鳧舄 南阳时有钿香车
 河原杨柳今成雪 西域葡萄开早花
 不信蛾眉蔽珠阁 相思应是玉钩斜
 春风无限更花朝 宝瑟何繇声暗销
 卢女弹空横却月 湘江吹罢欲回潮
 惟闻缓缓推苏小 已有盈盈学董娇
 寂寞西泠烟雨后 才余桃李隔溪桥
 荒凉夙昔鹤曾游① 松柏吟风在上头
 苑吏已无勾漏鼎② 烟霞犹少岳衡舟③
 遥怜浦口芙蓉树 仿佛山中孔雀楼
 从此邈然冀一遇 遗言废井不胜愁

①时游孤山——原注

②稚川为勾漏长——原注

③褚元瞻隐于钱塘时放舟衡岳——原注



袁正真

长相思

南高峰 北高峰 南北高峰云淡浓

湖山图画中

采芙蓉 赏芙蓉 小小红船西复东

相思无路通

竹添井井[目]

游西湖初雨后晴

苏小墓前春欲空 流莺啼破一林红

细霭山翠霏霏雨 远送衣得习习风

古寺幡幢烟柳外 美人笑话画船中

移篙又向三潭去 仿佛瀛洲有路通



西湖竹枝词选

杨维桢二首

苏小门前花满株
苏公堤上女当垆
南官北使须到此
江南西湖天下无

劝郎莫上南高峰
劝郎莫上北高峰
南高峰云北高雨
云雨相催愁系依

杨载

西子湖边杨柳花
随风飘泊到天涯
青春遇着归来燕
衔入当年王谢家

郑元祐


青青两点海门山
郎去贩鲜何日还
潮水便如郎信息
江花却似妾容颜

贡师泰

红裙女儿坐船头
朝朝暮暮白苹洲
近来学得新行令
为郎把酒一浇愁

宇文公谅

奴唱吴歌扣郎舷
明朝郎去又谁怜
恨杀吴山遮望眼
不见江头郎去船



黄公望

水仙祠前湖水深
岳王坟上有猿吟
湖船女子唱歌去
月落沧波无处寻

杨 俊

大船槌鼓银酒缸
小船吹笛红绣窗
鸳鸯触棹忽惊散
荷花深处又成双

李元圭

郎去远过江上山
望郎江边几时还
只怕郎归不相识
湖边日日照容颜

徐梦吉

雷峰港口晚凉天
相笑相呼去采莲
莫为采莲忘却藕
月明风定好回船

释 椿

放船早出里湖边
阿依唱歌郎踏船
唱得望湖太平曲
共郎长乐太平年

瞿 佑

里湖外湖波渺茫
两岸人家都种桑
采桑不怕雾露湿
惟愿朝朝逢着郎

